

বাংলাদেশ



গেজেট

অতিরিক্ত সংখ্যা

কর্তৃপক্ষ কর্তৃক প্রকাশিত

সোমবার, ডিসেম্বর ১৪, ১৯৯৮

গণপ্রজাতন্ত্রী বাংলাদেশ সরকার

অর্থ মন্ত্রণালয়

জাতীয় রাজস্ব বোর্ড

(মূল্য সংযোজন কর)

প্রজ্ঞাপন

ঢাকা, ৩০শে অগ্রহায়ণ ১৪০৫ বাং/১৪ই ডিসেম্বর ১৯৯৮ ইং

এস, আর, ও, নং ২৮৮-আইন/৯৮/১৯৫-মূসক।—মূল্য সংযোজন কর আইন, ১৯৯১ (১৯৯১ সনের ২২ নং আইন) এর ধারা ৭২ এ প্রদত্ত ক্ষমতাবলে জাতীয় রাজস্ব বোর্ড মূল্য সংযোজন কর বিধিমালা, ১৯৯১ নিম্নরূপ অধিকতর সংশোধন করিল, যথা:—

উপরি-উক্ত বিধিমালার বিধি ৩২ক এর পরিবর্তে নিম্নরূপ ৩২ক প্রতিস্থাপিত হইবে, যথা:—

“৩২ক। পশ্চাদ সংযোগ শিল্প প্রতিষ্ঠানের ক্ষেত্রে শূন্য করহার ও প্রত্যর্পণের সুবিধা।—
পশ্চাদ সংযোগ শিল্প প্রতিষ্ঠান, অতঃপর উক্ত শিল্প প্রতিষ্ঠান বলিয়া উল্লিখিত, কর্তৃক সরবরাহকৃত পণ্য বা প্রদত্ত সেবা নিম্নরূপ শর্তাধীনে আইনের ধারা ৩ এর উপ-ধারা (২) এর অধীনে রক্ষানিকৃত বলিয়া গণ্য করা যাইবে, যথা:—

(ক) উক্ত শিল্প প্রতিষ্ঠানকে ১০০% রক্ষানিমুখী বণ্ডেড ওয়ার হাউস বা স্পেশাল বণ্ডেড ওয়ার হাউস লাইসেন্সধারী প্রতিষ্ঠানের অন্তর্কালে পণ্য সরবরাহ বা সেবা প্রদান করিতে হইবে;

(৯৯৬১)

মূল্য: টাকা ১.০০

- (খ) উক্ত শিল্প প্রতিষ্ঠানের সরবরাহকৃত পণ্য বা প্রদত্ত সেবার অন্তর্কূলে ইউটিলাইজেশন পারমিশন বা ইউটিলাইজেশন ডিক্লারেশন থাকিতে হইবে এবং উহাতে অভ্যন্তরীণ ব্যাক টু ব্যাক ঋণপত্র কিংবা অভ্যন্তরীণ ঋণপত্রের নম্বর ও তারিখ, উক্ত শিল্প প্রতিষ্ঠানের নিকট হইতে পণ্য বা সেবা গ্রহণকারী ব্যক্তির মুসক নিবন্ধন নম্বর, নাম ও ঠিকানা সহ উক্ত ব্যক্তির অন্তর্কূলে ইস্যুকৃত অভ্যন্তরীণ ব্যাক টু ব্যাক ঋণপত্রের নম্বর ও তারিখ উল্লেখ থাকিতে হইবে;
- (গ) উক্ত ঋণপত্রসমূহ যে ব্যাংকের সেই ব্যাংক কর্তৃক সত্যায়িত ঋণপত্রের অন্তর্লিপি-সহ ইউটিলাইজেশন পারমিশন বা ইউটিলাইজেশন ডিক্লারেশনসমূহ উক্ত শিল্প প্রতিষ্ঠানের দখলে থাকিতে হইবে;
- (ঘ) উক্ত শিল্প প্রতিষ্ঠান কর্তৃক সরবরাহকৃত পণ্য বা প্রদত্ত সেবার বিপরীতে প্রদত্ত করের প্রত্যর্পণ গ্রহণের ক্ষেত্রে আবেদনপত্রের সহিত দফা (খ) ও (গ) তে উল্লিখিত দলিলাদি সহ বৈদেশিক মুদ্রা প্রাপ্তির সনদপত্র, নিবন্ধনপত্রের ছায়াছবি, পণ্য সরবরাহ বা সেবা প্রদানের বিপরীতে ফরম মুসক-১১ এ প্রদত্ত চালানপত্র, সরবরাহকৃত পণ্য বা প্রদত্ত সেবার ব্যবহৃত উপকরণ আমদানির স্বপক্ষে বিল অব এন্ট্রির মূল কপি বা উপকরণের সরবরাহকারী কর্তৃক ফরম মুসক-১১ এ প্রদত্ত চালান পত্র ও উপস্থাপিত দলিল-পত্রাদির সত্যতা বিষয়ে পঞ্চাশ টাকার নন-জুডিশিয়াল স্ট্যাম্পে অঙ্গীকারনামা দাখিল করিতে হইবে;
- (ঙ) উক্ত শিল্প প্রতিষ্ঠান কর্তৃক দাখিলযোগ্য মাসিক দাখিলপত্র ফরম মুসক-১১ এ এই বিধির আওতায় প্রাপ্ত সুবিধাদি সংক্রান্ত তথ্যাদি উল্লেখ করিতে হইবে এবং প্রতি জানুয়ারী ও জুলাই মাসে এতদুৎসংক্রান্ত বাৎসরিক বিবরণী স্থানীয় মূল্য সংযোজন কর কার্যালয়ে দাখিল করিতে হইবে।”

জাতীয় রাজস্ব বোর্ডের আদেশক্রমে

ডঃ রফিকুল ইসলাম

প্রথম সচিব

মুসক নীতি নির্ধারণ ও বাজেট।

মোঃ আবদুল করিম সরকার (উপ-সচিব), উপ-নিয়ন্ত্রক, বাংলাদেশ সরকারী মুদ্রণালয়,
ঢাকা কর্তৃক মুদ্রিত।

মোঃ আমিন জুবেরী আলম, উপ-নিয়ন্ত্রক, বাংলাদেশ ফরমস্ ও প্রকাশনী অফিস,
তেজগাঁও, ঢাকা কর্তৃক প্রকাশিত।